

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: Kia pepeha au i konei!

Aronga: Tikanga ā-lwi 1.2C

Paerewa Paetae: Tikanga ā-lwi 1.2

Kaupae: 1

Whiwhinga: 6

He Tohutohu mā te Ākonga

I tēnei ngohe

I tēnei ngohe aromatawai, ko tāu mahi he whakarite i tētahi ataata whai whakamārama ā-reo e āta tātari ana i tētahi pepeha o tō iwi, o tētahi atu iwi rānei.

Te horopaki

Ko tāu nā mahi he whakarite i tētahi ataata whai whakamārama ā-reo e āta tātari ana i tētahi pepeha o tō iwi, o tētahi atu iwi rānei.

Ka whakatewhatewha koe i ngā āhuatanga matua o te tuakiri o te iwi kua whiriwhirihia e koe me te whakamārama i te hāngai o taua pepeha ki te tuakiri ā-iwi.

Hei mahi

- Me whiriwhiri e koe tētahi pepeha (whakataukī, whakatauākī) hei tāhu kōrero māu. E mau nei i tēnei pepeha ētahi kōrero e motuhake ana ki te iwi e pepehatia ana. (Hei tauira: 'Ko au te awa, ko te awa ko au' - nō Whanganui)
- Rangahaua, wānangatia ngā āhuatanga matua e hāngai ana ki te pepeha nei, pērā i:
 - te whakapapa o te iwi
 - tōna hītori
 - te takenga mai o te pepeha
 - ngā kupu whakarite, ngā huahuatau o roto.
- Ka āta whakamaheretia kia puta ai ō whakaaro. Ka torotorohia ngā momo peka o te rangahau e puta ai ngā taunakitanga, ngā hua e

whakatinana ai i tō ataata, arā, te pākiki, te uiui tāngata, te pae tukutuku.

4. Ka āta tuitui, ka āta whakaemi i ngā kōrero. Ā, ka āta whakarite ai i tō ataata whai whakamārama ā-reo.

Ngā mahi hei tāpae

He ataata whai whakamārama ā-reo e 4-5 meneti te roa, ā, ka āta whakamahia ngā pūmanawa tōtika kia eke ai te whakaaturanga ki tētahi taumata ngaio rawa atu.

Ka aromatawaingia tō tātari i ngā mātāpono o te waihanganga mai o te pepeha me tana hāngai ki te tuakiri ā-iwi.

Kuputaka

ataata whai whakamārama ā-reo video with audio annotation